

Powšitkowne WOZJEWJENJA

njedźelu, 22. januara 2017

Bratrowstwo hraje nowu žortnu hru

Dźiwadłowa skupina Bratrowstwa zahraje swoju nowu komediju „Jědźk a lěnjoch“ njedźelu, 22. januara, w 16 hodž. w Nowoslicach pola Dinarjec, hdžež poskića wot 15 hodž. kofej a tykanc. Dalšej předstajeni budžetej sobotu, 28. januara w 16.30 hodž. we Worklečanskim hosćencu a njedźelu, 5. februara, w 16.30 hodž. w Radworskej „Meji“. W Nowoslicach a Worklecach budže so hra zdobom simultanje do němčiny přeložić. Wšitcy su wutrobnje přeprošeni.

Přednošk w putniskej hospodže wo přebywanju pola najchudšich w Južnej Africe

Jako džed mjez młodymi dobrowólnikami – to bě Jan Nuk z Radworja a je štyri tydženje w slumje w južnoafriskim měsće Port Elisabeth přebywał. Je tam na misionsej staciji wupomhał a nuzu a bědu najchudšich zeznał runje tak kaž někotrež-kuli z jich žiwjenskich wašnjow. Sobotu, 28. januara, w 19.45 hodž. budže z wobrazami wo tym w Chróšćanskej putniskej hospodže přednošować. Samsny džeń, ale hižo w 16.00 hodž. pokaza so najmlódšim w putniskej hospodže serbsce synchronizowany trikowy film „Powědki wo soninje Amalce“.

Přednošk wo lěkarskej službje k blišemu w Hamburgu a Africe

Rodzeny Wotrowčan dr. Stanisław Nawka přednošuje pónđzelu, 30. januara, w 19.30 hodž. w kafeteriji Domu swjateho Jana w Smječekcach k temje „W službje blišemu – jako lěkar w Hamburgu a Africe“. Wšitcy zajimcy z bliska a daloka su wutrobnje witani.

Zhromadny džeń za 3. a 4. lětnik

Dekanatne dušepastyrstwo přeprošuje džěci 3. a 4. lětnika srjedu, 15. februara, wot 9.00 do 15.00 hodž. do Don Boskoweho domu we Worklecach. Zajimcy njech so prošu hač do štwórtka, 9. februara pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.

Zhromadny džeń za 1. a 2. lětnik

Dekanatne dušepastyrstwo přeprošuje džěci 1. a 2. lětnika srjedu, 22. februara, wot 9.00 do 15.00 hodž. do Don Boskoweho domu we Worklecach. Zajimcy njech so prošu hač do wutory, 14. februara, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.